



Broj: 01-184/16
Vareš, 29.12. 2016. godine

Z A P I S N I K
s 38. sjednice Općinskog vijeća Vareš,
održane 28.07. 2016. godine

Zdravko Marošević – predsjedavajući Općinskog vijeća Vareš, otvorio je 38. sjednicu s početkom u 16,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Boško Andrić, Mahira Brkić, Tajiba Brkić, Asmir Čizmo, Zdenko Franjić, Osman Ibrišimović, Emir Islamović, Kenan Kamenjaš, Demo Kevrić, Milan Knežević, Zdravko Marošević, Mario Mirčić, Safeta Muftić, Elvir Rožajac, Jasmin Salketić i Nikola Šimić.

Odsutni: Tarik Kovač i Mato Pavić.

Pored vijećnika sjednici prisustvuju: Općinski načelnik – gosp. Avdija Kovačević, sekretar Općinskog vijeća – gosp. Leon Pavlović, pomoćnici općinskog načelnika, direktori javnih ustanova, predsjednici Upravnih odbora javnih ustanova i predsjednici političkih stranaka.

Sekretar OV Leon Pavlović izvijestio je Vijeće o realizaciji Zaključaka i postavljenim vijećničkim pitanjima sa 37. sjednice OV održane 30.05. 2016. godine. Na 37. sjednici OV donesena su dva (2) zaključka, od kojih je jedan realizovan a jedan je u toku realizacije. Postavljena su tri (3) vijećnička pitanja na koja su nadležni, podnosiocima vijećničkih pitanja, dostavili odgovore.

Općinski načelnik Kovačević Avdija u okviru aktuelne problematike na području općine Vareš za današnju sjednicu, izjavio je da će Vijeće o aktuelnostima upoznati u toku rasprava i razmatranja tački dnevnog reda.

(Vijećnička pitanja)

Elvir Rožajac

Izjavio je da nije zadovoljan odgovorom na postavljeno pitanje na prošloj sjednici OV u vezi čišćenja trotoara (između „potočke zgrade“ i „dvadesetobiteljske“ zgrade).

1. Ukazuje na potrebu postavljanja ležećih policajaca na regionalnom putu R-444 Vareš (ul. Zvijezda).
2. Pitanje upućeno općinskim službama : Da li je bilo ove godine izdavanja potvrda za pašarenje na našoj općini ljudima sa drugih općina?

Demo Kevrić

Iznio je svoje mišljenje vezano za dostavljeni odgovor na postavljeno vijećničko pitanje na prošloj sjednici, kao i komentar na nedostavljanje odgovora od strane nadležnih na pitanja koja je postavljao.

3. Kada će se i ko će uputiti dopis da se sanira ulazni put Pajtov Han- Striježovo izvođaču radova koji su oni radili u protekli mjesec dana? O postavljenom pitanju dao je pojašnjenje (traži pismeni odgovor).
4. Da li je Općina Vareš dala saglasnost o dodjeli viška količine vode Općini Visoko, pod kojim uslovima i okolnostima i koji su kapaciteti vode koji se daju Općini Visoko? (traži pismeni odgovor).

Tajiba Brkić

5. Pitanje upućeno pomoćniku načelnika Erminu Musi: Da li će doći do hitne sanacije na putu prema Budoželju i prema drugim mjesnim zajednicama koje su pogođene elementarnim nepogodama?

Predsjedavajući OV stavio je na raspravu Zapisnik sa 37. sjednice OV.

Nije bilo učesnika u raspravi i predsjedavajući OV stavio je na izjašnjavanje Zapisnik sa 37. sjednice OV.

Nakon izjašnjavanja vijećnika predsjedavajući OV konstatuje da je **jednoglasno (16 glasova „ZA“) usvojen Zapisnik sa 37. sjednice OV.**

Predsjedavajući OV stavio je na raspravu prijedlog dnevnog reda za 38. sjednicu OV koji je usaglašen na Kolegiju Općinskog vijeća.

Za riječ se javio Općinski načelnik i predložio dopunu dnevnog reda sa tačkom 1. „ Informacija o posljedicama elementarne nepogode kao i provedenim aktivnostima“, o čemu je dao pojašnjenje.

Predsjedavajući OV Zdravko Marošević upoznao je prisutne da iz opravdanih razloga na današnjoj sjednici nisu prisutni predstavnici JPU „Dječiji vrtić“ Vareš a u vezi razmatranja tačke 6. „Izveštaj o radu i poslovanju JPU „Dječiji vrtić“ Vareš za 2015. godinu“. U vezi s tim predložio je da se ova tačka skine sa dnevnog reda današnje sjednice i da je Vijeće razmatra na narednoj sjednici OV.

Vijećnik Asmir Čizmo je došao na današnju sjednicu.

Predsjedavajući OV Zdravko Marošević otvorio je raspravu o predloženim izmjenama i dopuni dnevnog reda današnje sjednice.

Nije bilo rasprave i predsjedavajući OV stavio je na izjašnjavanje prijedlog za dopunu i izmjenu dnevnog reda današnje sjednice.

Nakon izjašnjavanja vijećnika, predsjedavajući OV konstatuje da je **prijedlog dopune i izmjene dnevnog reda 38. sjednice OV jednoglasno (17 glasova) prihvaćen.**

Predsjedavajući OV stavio je na raspravu prijedlog dnevnog reda 38. sjednice OV sa prihvaćenom dopunom i izmjenom dnevnog reda.

Nakon izjašnjavanja vijećnika predsjedavajući OV konstatuje da je **jednoglasno (17 glasova „ZA“) usvojen s l i j e d e ć i**

Dnevni red:

1. **Informacija o posljedicama elementarne nepogode kao i provedenim aktivnostima.**
2. **Prijedlog Odluke o usvajanju Programa razvoja zaštite i spašavanja ljudi i materijalnih dobara od prirodnih i drugih nesreća na području općine Vareš.**
3. **Prijedlog Odluke o gubitku statusa javnog dobra u općoj upotrebi.**
4. **Prijedlog Odluke o dodjeli općinskih priznanja i nagrada općine Vareš za 2016. godinu.**
5. **Izvještaj o izvršenju općinskog budžeta/proračuna za period januar/siječanj – junu/lipanj 2016.godine.**
6. **Izvještaj o radu JU Centar za socijalni rad Vareš za 2015. godinu.**
7. **Izvještaj o radu JU Opća biblioteka Vareš za 2015. godinu.**
8. **Izvještaj o radu Komisije za utvrđivanje prometne vrijednosti nepokretnosti za 2015. godinu.**
9. **Informacija o stanju lokalne i regionalne putne mreže na području Općine Vareš.**
10. **Informacija o ostvarivanju osnovnih i dopunskih prava iz oblasti boračko- invalidske zaštite na području općine Vareš.**
11. **Informacija o provođenju lokalnog ekološkog akcionog/akcijskog plana za Općinu Vareš u 2015. godini.**
12. **Prijedlog Programa obilježavanja Dana Općine Varešu u 2016.godini.**
13. **Tekuća pitanja**

Ad. 1.

(Informacija o posljedicama elementarne nepogode kao i o provedenim aktivnostima.)

Pomoćnik načelnika Civilne zaštite Rusmir Berberović, ispred ovlaštenog predlagača, dao je dodatno pojašnjenje za ovu tačku dnevnog reda. U svom izlaganju upoznao je prisutne o nastalim štetama i provedenim aktivnostima na sanaciji šteta uzrokovanim elementarnom nepogodom koja je zadesila općinu Vareš dana 24.07.2016. godine.

Otvorena je rasprava u kojoj su svoja mišljenja, sugestije, primjedbe i prijedloge iznijeli vijećnici: Elvir Rožajac, Mahira Brkić, Mario Mirčić (predložio je prijedlog mjera- da se lociraju sve „crne tačke“, izrade projekti izrade mini brana u kaskadnom režimu koje bi zaustavljale krupni i sitni otpad i da se ojača JKP d.o.o Vareš po pitanju mehanizacije), Kenan Kamenjaš, Tajiba Brkić, Ismet Abdulahović, Jasmin Salketić i Đemo Kevrić (predložio je:- da se zaduži Izvršna vlast i Zakonodavna vlast da preko nadležnih ministarstava Vlade ZDK, Vlade FBiH i državnih nadležnih ministarstava koja su nadležna za ova pitanja, da se maksimalno angažuju na sanaciji infrastrukture u područjima nastradalim elementarnom nepogodom, posebno u Stupnom Dolu; - da se putem nadležne službe organa uprave Općine Vareš angažuje svo radno sposobno stanovništvo u saniranju šteta/subota i nedjelja/; da se izvidi mogućnost pokretanja akcije izdvajanja jedne dnevnicke /za saniranje šteta/za sve uposlone sa područja općine Vareš).

Pomoćnik načelnika Rusmir Berberović upoznao je prisutne da Komisija za procjenu šteta nastalih uslijed elementarne nepogode radi na terenu i da je do sada obradila 35 zahtjeva za procjenu šteta na poljoprivrednim kulturama. Nastale štete do sada iznose oko 62.000 KM.

Za riječ se javio Općinski načelnik Avdija Kovačević koji je u svom obraćanju dao dodatna pojašnjenja na neke diskusije vijećnika u raspravi, upoznao prisutne o pokrenutim aktivnostima na saniranju šteta i iznio svoje lično mišljenje u vezi istog. Na osnovu prijedloga iznesenih u raspravi predložio je da Vijeće usvoji Informaciju o posljedicama elementarne nepogode kao i o provedenim aktivnostima, te da se u sklopu Informacije donesu slijedeći zaključci:

- u narednom periodu locirati sve „crne tačke“ , i da se saniraju onako kako to struka kaže,
- razmotriti mogućnost da se u planskoj 2017,2018 i 2019. godini pojača potencijal JKP d.o.o. Vareš, istovremeno uputiti dopis Upravi ŠPD ZDK da se u narednom periodu pojača potencijal PJ Šumarija Vareš, u smislu nabavke potrebnih novih mašina.

O predloženom dao je pojašnjenje.

Predsjedavajući OV Zdravko Marošević u svom obraćanju dao je rezime na diskusije i prijedloge iznesene u raspravi i iznio svoje mišljenje o posljedicama nastalim uslijed elementarne nepogode. Predložio je Vijeću da usvoji predložene prijedloge zaključaka iznesene od strane Općinskog načelnika.

Vijećnik Mario Mirčić javio se za riječ i predložio da se uradi jedna geološka studija područja Stupnog Dola.

Zatvorena je rasprava i predsjedavajući OV stavio je na izjašnjavanje Informaciju o posljedicama elementarne nepogode kao i o provedenim aktivnostima uz slijedeće

Zaključke:

- **U narednom periodu da se lociraju sve „crne tačke“ i da se saniraju kako to struka nalaže**
- **Razmotriti mogućnost da se u planskoj 2017, 2018 i 2019. godini pojača potencijal mehanizacije JKP d.o.o. Vareš**
- **Uputiti dopis Upravi ŠPD ZDK da se u narednom periodu pojača potencijal PJ Šumarija vareš u smislu nabavke mehanizacije**
- **Da se uradi jedna geološka studija područja Stupnog Dola**
- **Za narednu sjednicu Vijeća dostaviti Informaciju o sprovedenim aktivnostima (šta je sve urađeno).**

Nakon izjašnjavanja vijećnika predsjedavajući OV konstatuje **da je jednoglasno (17 glasova „ZA“) usvojen predloženi Zaključak i**

Informacija o posljedicama elementarne nepogode kao i o provedenim aktivnostima.

Ad. 2.

(Prijedlog Odluke o usvajanju Programa razvoja zaštite i spašavanja ljudi i materijalnih dobara od prirodnih i drugih nesreća na području općine Vareš)

Komisija za statutarna pitanja i propise na 30. sjednici održanoj 19.07.2016. godine jednoglasno je donijela sljedeći **Zaključak** :

- **Komisija nema primjedbi na Prijedlog Odluke o usvajanju Programa razvoja zaštite i spašavanja ljudi i materijalnih dobara od prirodnih i drugih nesreća na području općine Vareš, te je upućuje Vijeću na razmatranje.**

Otvorena je rasprava u kojoj je učestvovao vijećnik Kenan Kamenjaš koji je iznio svoje mišljenje u vezi Izvještaju o provedenoj javnoj raspravi o Nacrtu Programa razvoja zaštite i spašavanja ljudi i materijalnih dobara od prirodnih i drugih nesreća na području općine Vareš.

Zatvorena je rasprava i predsjedavajući OV je stavio na izjašnjavanje Prijedlog Odluke o usvajanju Programa razvoja zaštite i spašavanja ljudi i materijalnih dobara od prirodnih i drugih nesreća na području općine Vareš.

Nakon izjašnjanja vijećnika predsjedavajući OV konstatuje **da je jednoglasno (16 glasova „ZA“) usvojena**

***Odluka o usvajanju Programa razvoja zaštite i
spašavanja ljudi i materijalnih dobara od prirodnih i
drugih nesreća na području općine Vareš***

Ad.3.

(Prijedlog Odluke o gubitku statusa javnog dobra u općoj upotrebi)

Komisija za statutarna pitanja i propise na 30. sjednici održanoj 19.07.2016. godine jednoglasno je donijela sljedeći **Zaključak**:

- Komisija nema primjedbi na Prijedlog Odluke o gubitku statusa javnog dobra u općoj upotrebi, te je upućuje Vijeću na razmatranje.

Nije bilo rasprave po ovoj tački dnevnog reda i predsjedavajući OV stavio je na izjašnjanje Prijedlog Odluke o gubitku statusa javnog dobra u općoj upotrebi.

Nakon izjašnjanja vijećnika predsjedavajući OV konstatuje **da je jednoglasno (17 glasova „ZA“) usvojena**

***Odluka o gubitku statusa
javnog dobra u općoj upotrebi***

Ad.4.

*(Prijedlog Odluke o dodijeli općinskih
priznanja i nagrada općine Vareš za 2016.godinu)*

Komisija za statutarna pitanja i propise na 30. sjednici održanoj 19.07.2016. godine jednoglasno je donijela sljedeći **Zaključak** :

- Komisija za statutarna pitanja i propise utvrdila je Prijedlog Odluke o dodjeli općinskih priznanja i nagrada općine Vareš za 2016. godinu, s tim da se u članu 2. iza riječi „pojedincu“ dodaju riječi „/pravnom licu“, te je upućuje Vijeću na razmatranje.

Sekretar OV Leon Pavlović prisutne je upoznao sa procedurom dodjele općinskih priznanja i sa zaključkom Komisije za statutarna pitanja i propise.

Predsjedavajući OV Zdravko Marošević prisutne i javnost je upoznao sa prijedlozima za dodjelu općinskih priznanja općine Vareš :

1. Gosp. Igor Hinger, a prijedlog je Operta Melihe Put mira P+4 Vareš i drugih roditelja,
2. Udruženje za prevenciju ovisnosti NARKO-NE, a prijedlog je Kovač Tarika, vijećnik u OV Vareš,
3. Omer ef. Kurtagić, a prijedlog je od Medžlisa Islamske zajednice Vareš. Put mira 20 Vareš.

Vijećnik Kenan Kamenjaš je tražio pauzu radi usaglašavanja stavova i donošenja jednoglasne odluke.

Predsjedavajući OV dao je pauzu u trajanju od 15 minuta.

Nastavljeno je sa radom današnje sjednice.

U raspravi je učestvovao Kenan Kamenjaš koji je iznio stav Kolegija, da se nagrada Plaketa sa grbom općine Vareš ne dodjeljuje ove godine, nego da se uruče zahvalnice i novčane nagrade simboličnog iznosa. Dogovor Kolegija je da se ovaj Zaključak jednoglasno podrži.

Predsjedavajući OV stavio je na izjašnjavanje prijedlog Zaključka.

Nakon izjašnjavanja vijećnika predsjedavajući OV konstatuje **da je jednoglasno (17 glasova „ZA“) usvojen**

Zaključak

- **Predlaže se Općinskom načelniku da u povodu obilježavanja Dana općine Vareš uruči zahvalnice i simbolične novčane nagrade:**

- 1. Gosp. Igoru Hinger,**
- 2. Udruženju za prevenciju ovisnosti NARKO-NE**
- 3. Omeru ef. Kurtagić.**

Ad.5.

*(Izvještaj o izvršenju općinskog budžeta/proračuna Općine Vareš
za period januar/siječanj-jun/lipanj 2016. godine)*

Komisija za privredu, finansije i budžet na 15. sjednici održanoj 25.07.2016. godine jednoglasno je donijela sljedeći **Zaključak** :

- **Predsjedavajući Komisije je konstatovao da je 15. sjednica, posljednja sjednica Komisije u ovom sazivu. Rezimirajući cjelokupni rad u četverogodišnjem mandatu zaključeno je da je Komisija u svom radu donijela niz sugestija, prijedloga i zaključaka, što nije adekvatno prihvaćeno od strane Općinskog vijeća. S toga, razmatrano Izvješće o izvršenju proračuna za I-VI/2016. godine iz kojeg je vidljivo kako u realizaciji proračuna nije došlo ni do kakvih promjena za ove četiri godine, šaljemo na raspravu Općinskom vijeću i zahvaljujemo se na nesuradnji.**

U raspravi je učestvovao vijećnik Đemo Kevrić koji je iznio svoje lično mišljenje i primjedbe na određene stavke u Izvještaju i o istima tražio pojašnjenje.

Nije bilo više učesnika u raspravi i predsjedavajući OV stavio je na izjašnjavanje Izvještaj o izvršenju općinskog budžeta/proračuna Općine Vareš za period januar/siječanj – jun/lipanj 2016. godine.

Nakon izjašnjavanja vijećnika predsjedavajući OV konstatuje da je **sa 10 glasova „ZA“ i 7 „SUZDRŽANIH“ glasova usvojen**

Izvještaj o izvršenju budžeta/proračuna

Općine Vareš za period januar/siječanj- juni/lipanj 2016. godine.

Ad.6.

(Izvještaj o radu JU Centar za socijalni rad Vareš, za 2015.godinu)

U raspravi su učestvovali vijećnici Elvir Rožajac, Tajiba Brkić, Općinski načelnik gosp. Avdija Kovačević i Đemo Kevrić koji je predložio da se ubuduće Izvještaj o radu JU Centar za socijalni rad razmatra isključivo u prvom dijelu drugog kvartala godine da se mogu realizovati uočeni nedostaci u toj godini.

Zatvorena je rasprava i predsjedavajući OV je stavio na izjašnjavanje Izvještaj o radu JU Centar za socijalni rad Vareš, za 2015.godinu .

Nakon izjašnjavanja vijećnika predsjedavajući OV konstatuje da je **jednoglasno (17 glasova „ZA“)** prihvaćen

Izveštaj o radu JU Centar za socijalni rad Vareš, za 2015.godinu.

Ad.7.

(Izveštaj o radu i poslovanju JU Opća biblioteka Vareš za 2015. godinu)

U raspravi je učestvovao vijećnik Elvir Rožajac .

Nije bilo više učesnika u raspravi te je predsjedavajući stavio na izjašnjavanje Izveštaj o radu JU Opća biblioteka Vareš, za 2015.godinu.

Nakon izjašnjavanja vijećnika predsjedavajući OV konstatuje da je **jednoglasno (17 glasova „ZA“)** prihvaćen

***Izveštaj o radu i poslovanju
JU Opća biblioteka Vareš za 2015. godinu***

Ad.8.

*(Izveštaj o radu Komisije za utvrđivanje
prometne vrijednosti nepokretnosti za 2015. godinu)*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izveštaj o radu Komisije za utvrđivanje prometne vrijednosti nepokretnosti za 2015. godinu.

Nakon izjašnjavanja vijećnika predsjedavajući konstatuje da je **jednoglasno (17 glasova „ZA“)** prihvaćen

***Izveštaj o radu Komisije za utvrđivanje
prometne vrijednosti nepokretnosti za 2015. godinu***

Ad.9.

*(Informacija o stanju lokalne i regionalne
putne mreže na području Općine Vareš)*

U raspravi su učestvovali vijećnici Elvir Rožajac i Đemo Kevrić koji je ukazao na nedostatke u ovoj Informaciji (nisu dati prijedlozi za otklanjanje nedostataka na navedenim putevima u informaciji, kao ni prioriteta u rješavanju tih puteva). Uputio je pitanje nadležnim u vezi uplaćivanja sredstava u iznosu od 30 569 KM izvođaču radova na dionici puta Striježevo-Kokošćići?

U daljoj raspravi učestvovali su vijećnici: Zdenko Franić (koji je ukazao na veoma loše stanje na putnim pravcima u općini Vareš i na neslaganje informacija u stvarnosti i u Informaciji o stanju lokalne i regionalne putne mreže na području Općine Vareš i Jasmin Salketić koji ukazuje na nepostojanje puta Dabravine- Neprivaj u Informaciji.

Za riječ se javio gosp. Ermin Musa koji je pojasnio sadržaj Informacije i odgovorio na pojedina pitanja vijećnika.

U daljoj raspravi učestvovali su vijećnici Ismet Abdulahović i Đemo Kevrić, predsjedavajući OV Zdravko Marošević koji je sugerisao Službi da se Informacija treba proširiti kako bi se znalo stanje nekategorisanih puteva i da se izvidi mogućnost da se ovakvi putevi okarakterišu kao lokalni putevi , gosp.Ermin Musa.

Zatvorena je rasprava po ovoj tački dnevnog reda i predsjedavajući OV konstatuje uz **Zaključak da je Vijeće primilo k znanju**

***Informaciju o stanju lokalne i regionalne
putne mreže na području Općine Vareš***

Ad.10.

*(Informacija o ostvarivanju osnovnih i dopunskih prava
iz oblasti boračko-invalidske zaštite na području Općine Vareš)*

Nije bilo rasprave po ovoj tački dnevnog reda i predsjedavajući OV konstatuje **uz Zaključak da je Vijeće primilo k znanju**

***Informaciju o ostvarivanju osnovnih i dopunskih
prava iz oblasti boračko-invalidske zaštite na području Općine Vareš***

Ad.11.

*(Informacija o provođenju lokalnog ekološkog
akcionog/akcijskog plana za Općinu Vareš u 2015. godini)*

Otvorena je rasprava u kojoj su svoja mišljenja, sugestije i prijedloge iznijeli vijećnici: Boško Andrić i Mario Mirčić koji je predložio da se napravi revizija postojećeg plana, da se plan stavi van snage ili da se prilagodi realnim mogućnostima.

Za riječ se javio vijećnik Ismet Abdulahović koji je predložio dopunu prijedloga vijećnika Maria Mirčića da se uradi revizija plana odnosno stvari koje nisu urađene u istom.

Predsjedavajući OV zatvorio je raspravu i stavio na izjašnjavanje Informaciju o provođenju lokalnog ekološkog akcionog/akcijskog plana za Općinu Vareš u 2015. godini i prijedlog

Zaključka:

- Zadužuje se služba za upravu da u roku od tri mjeseca uradi analizu i reviziju postojećeg Lokalnog ekološkog akcijskog/akcionog plana za Općinu Vareš.

Nakon izjašnjavanja vijećnika predsjedavajući OV konstatuje da je **jednoglasno (17 glasova „ZA“) usvojen predloženi Zaključak i**

***Informacija o provođenju lokalnog ekološkog
akcionog/akcijskog plana za Općinu Vareš u 2015. godini***

Ad.12.

(Prijedlog programa obilježavanja Dana Općine Vareš u 2016. godini)

Predsjedavajući OV upoznao je prisutne sa Prijedlogom Programa obilježavanja Dana Općine Vareš u 2016. godini.

U raspravi je učestvovao predsjedavajući OV koji je predložio sljedeći

Zaključak :

- Zadužuje se općinski načelnik i nadležne službe da na Svečanu sjednicu OV u povodu obilježavanja Dana općine Vareš 16. augusta, pozovu svi bitni čimbenici da područja općine Vareš i viših nivoa vlasti.

Predsjedavajući OV stavio je na izjašnjanje Prijedlog Programa obilježavanja Dana Općine Vareš u 2016. godini i predloženi Zaključak.

Nakon izjašnjanja vijećnika predsjedavajući konstatuje da je **jednoglasno (17 glasova „ZA“ usvojen Zaključak i**

Program obilježavanja Dana Općine Vareš u 2016. godini

Ad.13.

(Tekuća pitanja)

1. Predsjedavajući OV upoznao je prisutne sa Zahtjevom UG „NAŠ DOM BOROVIKA“ od 19.07.2016. godine .

Za riječ se javio vijećnik Nikola Šimić koji je prisutne upoznao sa sadržajem Zahtjeva, u kojemu UG „Naš dom Borovica“ kao organizatori i domaćini međunarodne likovne kolonije „Art Colony Borovica“ ,traže da se razmotri mogućnost finansiranja ove manifestacije iz sredstava namijenjenih za kulturu i da se podupru aktivnosti ovog udruženja uvrštavajući ih u sufinansiranje iz tekućih grantova budžeta/proračuna Općine Vareš. Također predlaže da se sva kulturna dešavanja na području općine Vareš pokušaju uključiti u budžet općine Vareš za sljedeću godinu.

Za riječ se javio vijećnik Boško Andrić koji je podržao pismo poslato od strane UG „Naš dom Borovica, i ukazao na potrebu uvrštavanja ove („Art colony Borovica“) i sličnih manifestacija u budžet Općine Vareš. Traži da se napravi kalendar aktivnosti i da se vidi koje od manifestacija se mogu finansirati iz budžeta općine Vareš.

Predsjedavajući OV također podržava ideju uvrštavanja kulturnih manifestacija u budžet općine Vareš i predlaže da se donese odluka o unošenju manifestacija u budžet za narednu godinu.

Predsjedavajući OV predložio je sljedeći

Zaključak

- Zadužuju se nadležni da prilikom izrade Budžeta Općine Vareš za 2017. godinu, u isti planiraju sredstva za sufinansiranje UG „Naš dom Borovica“, ali i sve druge manifestacije koje se održavaju na području općine Vareš. (Potrebno oformiti Komisiju za odabir manifestacija) .

Predsjedavajući OV stavio je na izjašnjanje prijedlog Zaključka, te nakon izjašnjanja vijećnika predsjedavajući OV konstatira da je“ **jednoglasno (17 glasova „ZA“) usvojen predloženi Zaključak.**

Vijećnica Mahira Brkić dala je komentar na izjavu iznesenu na današnjoj sjednici koja se odnosi na korištenje govornice za predizbornu kampanju.

Sastavni dio ovog Zapisnika je audio zapis sjednice.
Sjednica je završena u 19,00 sati.

SEKRETAR

Leon Pavlović

**PREDSJEDAVALJUĆI
OPĆINSKOG VIJEĆA**

ZAPISNIČAR

Azra Ibrahimović

Kenan Kamenjaš